

حقوقى بىلىكلەر مجموعهسى

هر آيك اون بيشده نشر اولنور

DOCTRINE

SELECTIVE
KUTUPHANESI

تَتَبُّعَاتُ

RÉFLEXIONS JURIDIQUES - حقوقى فكلر

حقوق دوكتورى

مىللى: غار فرانكو

مقررى بىلىكلەر جمعىنى

حقوق علمى اويله واسع وبى باياندر كه بوتون غوامضه نفوذ واحكامه پيداي معلومات ايتك پك بويوك بر نصيبه در. بشرك روحنده من الازل الى الابد حق مفهومي مكنوز اولوب بو حق حقيقتيه ايصال ايدمك اولان طريق علمى حقوق دنييلن علمك قواعدندن عبارتدر. حقوق علمنه اقتساب شرفنى احراز ايتمش اولان فردلر هم وطنى، هم بشرى بويوك بر بايه مظهر اولمشلر ديمكدر. بو مظهر بيه كسب لياقت ايتك ومقابلى اولان وظيفه يي حسن ايفا ايله مك ايچون علم حقوقك تقيضه چالشمق وجيبه در.

بو وجيه تورك حقوقيلىرى ايچون دها بويوكدر. يكي قانونلر ملكت بنيان حقوقيلىنى دكيشد بيه مك ماهيته درلر؛ يكي پره نسيبلر، يكي نظريه لر حقوقره حاكم اولمشدر؛ اسكى حقوقره كوره بيله پك كرى اولان قبعات واثار حقوقيه من يكي حقوقه نظر آ غير موجوددر. علم حقوقه دائر فرانسه، آلمانيا، ايتاليا كبي متمدن مملكتلرده يازيلان و بيسكلره بالغ اولان اثر چوققلغه قارشى بزه كي هيچلك قورقونج بر حس اويايدرييور.

جمهوريتى دوغوران علو همتدن جرأت وجسارت درسلى آلماسق وطوتيلان

تمدن طریقندہ یورومک مجبوری قارشوسندہ جساتسزلکک معناسز وترددک بر قباحث اولدیننی تقدیر ایتمهسهک تدقیق وتبع خصوصندہکی کر بیلکمز کوره دک هیچ بر همه تشبث ایتمهک لازم کلیردی . فقط اوقاعتده زکه ، بوملتک روح وسجیه سندہ صاقلی بولان علومت حقوقی بوشلغمزی - یکی قانونلر یانه درین تبعلر علاوه ایتمک صورتیله - اوزاق ویایقین راستقبالدہ طولدورمنه باشلایه جقدیر .

فقط تورك حقو تجیرینک ایفاسنه مجبور اولدقلری وظیفه اوقدر بویو کدر که منفرد همترل مطلقا افلاسه محکومدرلر؛ آنجق ال بر لکیله، طوپولوق صورتیله چالشلیدینی تقدیرده درکه بر پارچه موجودیت کوستریله جکدر . حالبوکه شیمدییه قدر حقوق علمیه توغل ایتمک اوزره برلشمس سعلر کورولمه مشدر . بزده بونوع طوپولوقلر بارولردن عبارت اولوب ماهیت تشککلری اعتباریه بونلر افرادینک مسلکی حقوقی صیانتہ واقفادی آراسندہ دوستانه مناسبات تأسیسنه چالیشیر بر مؤسسه اولوب علمی تبعات دوغروندن دوغرویه غایه سنی تشکیل ایتمز . اوروپاده دخی بارولرک ماهیت تشککلری عینی شکلدہ اولوب علمی تبعلر ایچون یجه یجه جمعیتلر تشکل ایتمشدر .

بونلردن تک برینک بزده موجود اولماسی عفو ایدیلیر بر بوشلق دکدر . دولتک یکی قانونلری جمع ونشر خصوصندہ کوستردیکی بویوک لطف و همه قارشو شیمدیکی نسلمزک بو حرکت علمیه حضورنده لاقید و بیکانه قالماسی ده مساعه ایله باقیله جق برایش دکدر . بوناچیز مجموعہ یی نشر ایتمک صورتیله حقوقی تبعاتہ کوچوک بر خدمت ایفاسنه چالشدقندن صوکره مسالکداشلری بر جمعیت حالنده طوپلامق وعلممزک تفیضنه ال بر لکیله چالشمق وحقوق منتسبلریمزی علم اوغورونده وقتلرندن ومعلوماتلرندن بر قسمی فدایه آلبشدیرمق مملکتیجه بر خدمت اوله جفنه قانع اولدم . وبوقاعت نتیجه سندہ دوغان « حقوقی بیلککلر جمعیتی » بوکون موجودیت حکمیه سیله ایشه باشلامش اولوبور .

اوروپاده حقوقی علملر ایچون اختصاصه مستده جمعیتلر واردر . قانون مدنی، حقوق دول، حقوق جزا ایچون جمعیتلر آیریدر . بز هنوز بویله هر بر شعبه علم ایچون بر جمعیت تأسیس ایدمهک قدرت وقوتی حاض دکلز . بناء علیه شیمدیلک جمعیتلر شعبات علمیه نک چله سیله اشتغاله مجبوردر . برده ، مملکتده حقوقی ذهنیتی تأمین چالیشمق لازمدر؛ حقل قدسیتی افرادده بک مقبول بر حالده کوکلشدکجه جمهوریت مفهومی ده قوتله برلشه جکدر .

و آنحق حقوق ذهنيك حاكيتي سايه سنده در كه « قانونك حاكيتي » تأمين ايدلمش
اوله جقدر .

بو مسئله لرله اوغراشمق و حقوق مسائل حقنده تمثيل رمزي حكومه عرض ايتك
صورتيله قانونلر مذك تكملنه ياردم ايتكله برابر جمعيت مز مهم بر غايه تعقيب ايده جقدر :
اوروپا حقوق محيطلرينه و اوروپا علماسنه تور كياده حقوق لهنه پايان غير تلردن خبردار
ايتك و اوروپا علماسنك فعاليتلرينه مهما امكن اشتراك ايتك، دولتلر آراسنده كي مناسبانك
حق مفهومه كوره تأسيسنه چالشمق - دائما حق سزلفه معروض قالمش اولان بز توركلر ايچون -
هر كسدن زياده مستلر مدر ؛ بو غايه بي تأمين ايتك ايچون ايسه - حقنده نه قدر مستهزيانه
سوزلر صرف ايديليرسه ايدلسين - حقوق بين المللك انقشارينه و تكملنه چالشمق لازمدر ؛
بو غايه ايله اوروپا ده بك مهم ، دنيا نك اك بو نوك علماسني جامع جمعيتلر وارد ؛ بز
جمعيت مزده بر درجه يه قدر بو شعبه علم ايله اشتغال ايده رك ديكر متمدن ملتلك ، حقوق
دولي مناسبات دوليده ناظم قيلمق خصوصنده كي همتلرينه اشتراك ايتلي بز .

جمعيت مذك نظامنامه سني فرانسه زجه يه ترجمه ايده رك تور كياده جمهوريتك اعلانندن
اعتباراً اوروپا حقوقني اقتباس خصوصنده كوستريلان همتلري حاكي بر مکتوبه برابر
بو تون اوروپا و آمريقا مملكتلرنده طائمش علمايه كوندردم . آلدېغ جوابلردن بو علمانك
بيله بزده كي غير تلردن بي خبر اولدقلا ري و بوراده بو وادي ده صرف ايديله جك سعيلاه
بك علاقه دار اولدقلا ري آكلا بورم . غير تلر رمزي ، علمي سعي رمزي اوروپا و آمريقا
علمي محيطلرينه بيلديرمك تورك حقوق خيلايله اجني حقوق خيلاي آراسنده دوستلق
رابطه لرني تأسيس ايتك جمعيتك اك جوق چالسه جق مسئله لرندن بريدر .

جمعيت ، مقصديني تأمين ايچون بري قوانين مدنيه تجاريه ، ايكنجيسي قوانين جزايه
اوچنجيسي حقوق عامه ، و دردنحي حقوق دول - كه بن حقوق بين الملل تعبيرني قوللا نمي
ترجيح ايده رم - ناميله درت هيئت علميه تشكيل ايتمشدر . بونلردن قوانين مدنيه
و تجاريه هيئت تشكيل ايتش و رياسته حاجي عادل بك و رياست ثانيه سنه اسعد بك
و راپورتور لكسه عبدالحق كال بك تعيين ايدلمشدر . بو هيئت علميه ايشه مباشرت ايتش
ويسانك بشنجي كونه مصادف بخشبه كوني ساعت بشده يازيخانه مده اجتماع ايده رك
پوليچه و چكلرده كي جيرانطه لره عائد مرور زمانلر حقنده دوكتور فريد بك برادر مذك

قلمه آلدینی تبع اوقونمش و بوتبع اطرافنده مناقشاده بولونولشدر . جریان ایدن
مذاکراته مائد خلاصه بو نسخه مزده مندرجدر .

دیگر هیئت علمیه لک تشکله دوام ایدیه لک و هر بری مساعیسی تثبیت ایده جکدر .
شایان تدقیق و مناقشه مباحثی تعیین و صلاحیتدار ذواته حواله ایدیه لک و در میان
اوله حق مطالعاتر حقنده مناقشات اجرا ایدیه لک حقیقت علمیه وصول ایتمه
چالیشیه جقدر .

جمعیت مستقبل فعالیتی حقنده فضله معلومات و یرمک نابموسم اولوز . بوکی برتشکل
باشه یا جقمی؟ یا شایه بیله جکمی؟ بن، بوتون روحله و مملکته خدمت اولور قناعتیه چالیشیورم .
فقط موفقیتیم آرقداشلرک و حقوق علمیه منسوب ذواتک معاونته منوطدر . حکام و اوقات
آرقداشلر مرکز بو جمعیه انتساب بویورمالرینی رجا ایدیوروز . جمعیه منسوب اولان ذات
هر دوت هیئت علمیه نیک مناقشات علمیه لرینه اشتراک ایده بیله جکی کبی یالکوز بو هیئتلردن
یرسینه دوام ایله اکتفا ایده بیلیر . بز، اعضامزدن هم اجتماعلره دوام، هم بالفعل فعالیت
علمیه اشتراک ایتلرینی استرحام ایدیوروز . کندی لرینه مراجعت ایدلسنی بکله مه دن
مسکد اشلر مرکز حکام و اوقاتلری قصدا ایدیوروز . جمعیه انتساب ایتک طلبنده بولونمالرینی
بکله یوروز . بو تشبثک جمهوریت حکومتک و فعال و منور عدلیه و کیلمزک مظهر معاونتی
اوله جفته قناعتمز برکالدر .

مقوق بیلکیر جمعیتی نظامنامه سی:

جمعیتک نظامنامه سی بروجهر زیر نشر ایدیوروز :

حقوقی بیلکیر جمعیتی

ماده ۱ — حقوق دو قنوری آووقات میلایلی غاد فراقو بکک تشبثی اوزرینه
«حقوقی بیلکیر جمعیتی» نامیه بر جمعیت تشکل ایتشدر .

ماده ۲ — جمعیتک مقصدی :

اولا : علمی تبع و تدقیقلرده بولونارک موجود قانونلرک قیمتلرینی اظهار و نقائصنی
ایضاح ایدمرک اتمامه چالیشیق و مملکته لازم یکی قانونلرک تدوینی ایچون تمیایده بولونع .

ثانياً : تبعا برنده مقایسه قوانین خصوصه اهمیت خصوصه عطف ایدرهك دیگر
ملکترده کی حقوق جریانلردن استفاده ایتک .

ثالثاً : عائله مدیده تورکیانک اشغال ایتککه مستحق اولدینی موقی تأمین ایتک
مقصیده بین الملل حقوق مؤسسه لره اشتراك ایتک و حقوق دول مباحثه معنا بر صورتده
مشغول اولق .

رابعاً : حقوق علملریک انکشافه، حقوق ذهنیتک حاکمیتی تأمین جالشمق .
خامساً : تورک حقوخیلری ایله بین الملل حقوخیلر آراسنده روابط مودت تأسیس
ایتمکدر .

ماده ۳ — جمعیته اعضا اولق ایچون حقوق علمیه متوغل بولونق شرطدر .
دوغرودن دوغرویه حقوق ایله مشغول اولمادینی حالده معلومات عمومیه سی حقوق
تقیضه خدمت ایدهبیلن ذوات دخی اعضا اوله بیلیر . اعضا اولق ایستین ذات هیئت
اداریه مراجعته قیدینی طلب ایدر . هیئت اداره طالبک اعضالغه قبوله متفقاً قرار
ویرمدیکی تقدیرده هیئت عمومیه به مراجعته حق واردر . هیئت عمومیه نك اکثریتله
ویردیکی قرار مطاعدر . جمیعت تورک ویا اجنبی ذواتدن فخری اعضا تعیین ایدهبیلیر .
جمعیتمک اعضاسنه صفتلرینی مشعر برشهادتنامه ویریلیر .

• ماده ۴ — اعضا سنوی بش لیرا عائدات تأدیه ایدرلر .

ماده ۵ — اعضا تحریراً استعفا ایدرهك جمعیتمک چکیله بیلیرلر . سنهك عائداتی
ویرمهین اعضا مستعفی عد اولنه بیلیر . اطوار وحرکاتی شایان تنقید کورولهن اعضانک
ترقین قیدینه هیئت عمومیه قرار ویره بیلیر .

۶ — امور جمیعت یدی کشیکل بر هیئت اداره طرفندن تدویر اولونور . ایلک بش
سنه ایچون هیئت اداره مؤسسار طرفندن انتخاب اولونور . بش سنه صوکره عائدات
سنویرلرینی تأدیه ایدهن اعضالردن متشکل هیئت عمومیه طرفندن رئیس و رئیس ثانی ،
کاتب، وزندهاز واعضالری آیری آیری تثیت ایدیلرهك ایکی سنه ایچون سچیلیر . چیقان
اعضار تکرار انتخاب اولنه بیلیر .

ماده ۷ — هیئت اداره لاقول یدی کشیدن متشکل اولق اوزره درت علمی هیئت

تشکیل ایدر. هرر هیئتک بر رئیس، بر رئیس ثانیه و بر راپورتوری بولنور. بو علمی هیئتلردن بری حقوق مدینه و تجاریه مسئلهلریله، ایکنجیسی حقوق جزا تبعلریله و اوچنجیسی حقوق دول تدقیقاتیله و دردنجیسی حقوق عامه و دیگر هیئتلرک دائره اشتغالنه کیرمین مباحثه اشتغال ایدر جکدر.

علمی هیئتلرک هربری هیئت اداره ایله بالندا کره تدقیق و تتبع ایدیلر جک مسائلی نئیت ایدر لر. ایجابنده خارجدن متخصص ذواتک معاونت و معلوماتندن استفاده اولونور. علمی هیئتلرک نتیجه تدقیقاتی هیئت عمومیه بری برای معلومات عرض اولنورق بولنردن هانکیلرینک مقام هاندینه تمخی صورتسده عرضی ایجاب ایدر جکنی هیئت عمومیه تعیین ایدر. علمی هیئتلرک اوروپا مؤتمرلرنده و بین الملل تشکلرده موضوع بحث مسائله متدائر قلمه آله جقلری تبعلرک ترجمه لری مزبور تشکلره و اوروپا علماسنه تقدیم ایدلک صورتیله تورکیاده حقوق بیلکیلرینه قارشى کوسترلین علاقه اثبات ایدیلیر. جمعیته نتیجه تبعاتی آیری بر اثرله و ممکن اولمادیغی تقدیرده حقوقی بیلکیلر مجموعه سنده انتشار ایدر.

ماده ۸ — هیئت اداره جمعیته بالعموم اموریه و علمی هیئتلرک داخلی و اداری خصوصریله اشتغال ایدر. ایدر بر اجتماع ایدر. اصغری دوت اعضانک حضوریه مذاکرانده بولنور. اکثریت آرا ایله قرار ویریر، هیئت علمیه لرک طرز مساعیسی حقنده اونرله بالندا کره تعلیماتنامه لر احضار ایدر، مسابقه لر آچار.

ماده ۹ — لا اقل سنه ده بر هیئت عمومیه اجتماع ایدر. هیئت اداره نك قراریه و یا خود افراد جمعیته یوزده یکرمی بشنک طلبیه بو هیئت عمومیه فوق العاده اجتماعه دعوت اولنوبیلیر. هیئت عمومیه نك باشلیجه وظائفی و صلاحیتلری :

(۱) هیئت اداره نك معاملات حسابیه سنی تدقیق ایدرک ابرا ایتک.

(۲) هیئت اداره جه جمیته قبول ایدیلرین ذواتک اعتراضلرینی تدقیق ایله قرار ویرمک.

(۳) هیئت علمیه لرک ویرجکلری علمی راپورلر حقنده مناقشه ایدرک نتایجی نئیت ایتک.

(۴) هیئت اداره نك صلاحیتنه کیرمین و هیئت عمومیه حواله اولنان معاملات حقنده لازم کلن قرارلری اتخاذ ایتکدر.

مقرری بملکد جمعیتی هیئت اداره سی:

جمعیتك هیئت اداره سی شو صورتله تشكیل ایتشدرد:

رئیس:	غاد فراقو بك
رئیس ثانی:	مدرس علی كمال بك
کاتب:	حمدي حليم بك
وزنه دار:	عبدالحق كمال بك
اعضا:	مدرس احمد صميم بك
اعضا:	ناظم عزت بك
اعضا:	دوقتور فريد بك

..

قانونه مدنیك ۴۴۴ نجی ماده سی:

قانون مدنیك ۴۴۴ نجی ماده سینه ویرلش اولان معنار اوزرینه برمدتن برو مجموعه مزده جریان ایدن مناقشهك قاباندیغی مسئلهك لایقيله آكلاشدیغی امید ایتش ایکن كرك عارف بكدن آلدیغمز رمکتوبدن کرکسه از میر آوواتلردن مصطفی شا کر بكدن کلوب بونسخه مزده نشر ایتدیگمز مقاله دن اختلاف نظرک حالا باقی اولدیغی کورووروم .

بم نظر مده ماده ده موجب اختلاف و جای تردد برجهت یوقدر . ایکنجی شجره دن ورته ایله اجماع ایدن زوج ویا زوجیه ویريله جك اولان نصف انتفاع ، حق ملکیتدن آری ، و بوتون ترکهك یاربسینه معطوفدر . اسویچرده بویه بر حال وقوعنده زوج ویا زوجیه بوتون ترکهك ربی ملکیه و دیگر اوچ ربی انتفاعاً ویرلیر . بزده ملکیت قسمنده کی ربع عیناً ابقا ایدلش و انتفاع ههئنده کی اوچ ربع نصفه ایندیرلشدر . او حالده اسویچرده ترکهك اوچ ربی یعنی یوز لیرانك یتش بشی انتفاعاً زوج ویا زوجیه ویرلکده ایکن بزده نصفه ایندیرلکله بوتش بش لیرا اللی لیرایه اینشدر . بونک اطرافنده اوزون اوزادی به تدقیق ایديله جك ، تعمیق ایديله جك برجهت یوقدر .

مصطفی شا کر بك مسلسلکداشمزک ، مأخذده کی اساسادن ملهم اولغه صلاحیتمز

بولونغا دینی حقنەدەكى نظریەلەرنە قطعاً اشتراك ایتەنە چكەم . بۇ قانون مدنیزی، تدقیقات و مناقشات نتیجەسیندە ، اسباب و مستندات آرایەرق تنظیم ایتیش دكلز . اك متمدن بر ملك قانونی عیناً اقتباس ایتدك و بعض كوچوك تعدیلات یابدق . باشقە بر ملككیدن اقتباس ایتدیکمز مواد و احكام ایچون مطلقاً مأخذەدەكى مستنداتدن ، شرحلردن ، اسباب و تطبیقاتدن اوزاقلاشمغە صلاحیتمز یوقدر .

بندە كزجە بو مسئله لزومی قدر توضیح ایتشدر ؛ و فضلە مناقشە یە تحمیلی قالماس اولدیغندن نتیجەلەش عد ایدەرم . مصطفى شاکر بلك مقاله سنی ، مطالعە لر مزی تنقید ایتدیكى حالده ، اجتہادینە حرمة نشر ایتدك . بو وسیلەلە عارف بك افندی یی-مکتوبیندە سویلەدیكى كی-قطعاً كناهكار عدا ایتدیکمزی و بالعكس كندیسنی متبەع و جدی بر حقوق منقسی عد ایدەرك شخصنە قارشو حرمت بسلە دیکمزی و حتی بو مناقشە یە محل ویرمش اولماسندن ناشی كندیسنە قارشو متشكر اولدیغمزی بیان ایلرز . و مجموعە مزك ، كندیسنە آچیق و یازیلرینی نشرە حاضر اولدیغنی علاوه ایدەرز .

میل اسلی غادرانقو

محرری : از میر معبوف

احمد انور

مفوق اساسیە

قانونلرلك تشكیلات اساسیە یە توافقی

مجموعە مزك انتشارە باشلا دیغندن بر و حكامك تشكیلات اساسیە یە موافق اولمایان قانونلری تطبیق ایتەمكە صلاحیتد اولدقلى حقنەدەكى نظریە یی كمال حرارتە مدافە ایتدك . بو علمی مجادله نك علاقه اولاندیردیغنی و حتی بعض یومی غزەلرە قدر سرایت ایتدیكنی ممنونیتلە كوردورور ، و از میردە منتشر «آناطولی» غزەسیندە بو نظریە نك لہ و علیتندە نشر ایدیش بعض مقاله لری عیناً بورایە درج ایدیورز :

نظری شكلدە بر مسئله حقوقیە موضوع بحثدر . استانبولدە منتشر و مفید نشریات حقوقیە سیلە متايز « حقوقی بیلگیلر » مجموعە سندن محترم غادرانقو بلك بر مطالعە سى كوردولدى . مدرس مصطفى رشید بلك دارالفنون حقوق فاكولتە سى مجموعە سندن انتشار ایتدیكنی آكلادایغمز و فقط مع الاسف هیئت عمومیە سنی هنوز اوقومقدن محروم قالدیغمز بر مقاله ددە بو مسئله نك موضوع بحث ایدلدىكى آكلاشیلدى .